


國立故宮博物院珍藏




清代起居注冊

咸豐朝 第二十四冊

國立故宮博物院珍藏

清代起居注冊

咸豐朝第二十四冊



咸豐五年正月上……	一三七〇五
咸豐五年正月下……	一三八〇七
咸豐五年二月上……	一三九四一
咸豐五年二月下……	一四〇四七
咸豐五年三月上……	一四一八三
咸豐五年三月下……	一四三三

清代起居注冊 — 咸豐朝

(清)沈兆霖等奉敕撰 民國72年 臺北市 聯合報
文化基金會國學文獻館印行 影印本

57冊 21公分

據國立故宮博物院藏手稿本影印

聯經出版事業公司總經理

I. (清)沈兆霖等奉敕撰

654.77

7467

72

NT\$ 86,000.00

72 · 12 · 0650

89007124

清代起居注冊 咸豐朝第二十四冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五五七號

電話：七六〇一六六一二三一七

郵撥：一〇〇五五九號

行政院新聞局登記證局版臺業字〇一三〇號

保有版權·翻印必究

中華民國七十二年十二月初版

咸同兩朝共壹佰冊
定價每部新台幣八六〇〇元

新學社
PDG

咸豐五年歲次乙卯正月初一日乙丑

上詣

奉先殿行禮

堂子行禮

詣

壽康宮前殿拈香

詣後殿

御乾清宮

賜近支宗藩等宴是日兵部題湖南常德協中軍
都司員缺請以保靖營守備李定泰升補所
遺守備員缺請以九谿營千總田宗揚升補
一疏奉

硃批李定泰等依擬升補

是日

起居注官訥爾濟龔寶蓮景廉吳存義

初二日丙寅內閣奉

諭旨朕於二月初六日臨御經筵所有應行典禮
著各該衙門敬謹豫備又奉

諭旨蔣蔚遠奏節次打仗出力之員弁兵勇懇恩
獎勵等語貴州普安營千總胡現龍著以守備
升用並賞戴藍翎把總藥玉遵義營把總金占

明外委任天培雲南城守營外委何有保武定
營外委張源卿督標效力武舉羅汝翼均著賞
戴藍翎候選教職蹇諤舉人羅燦奎均著以知
縣歸部儘先選用監生張源著以府經歷縣丞
儘先選用議叙從九品閻錚著以從九品儘先
選用以示鼓勵該部知道又奉

諭旨托明阿楊以增奏籌濟淮河鹽船擬勸緝堵

壩一摺現在淮河水淺鹽船行走維艱必須蓄
高洪澤湖水頂托淮流方能濟運業經楊以增
籌款堵築山盱禮字河越壩三百餘丈尚有一
百餘丈未曾堵合著准其先行借撥鹽款項下
銀兩趕緊購料辦理並飭已草臬司查文經督
同海州運判杜文瀾勸諭捐輸俟有成數提還
歸款該部知道又奉

諭旨上年直隸保定等州縣被災業經降旨分別
蠲緩錢糧賑濟銀米小民諒可不致失所惟念
今春青黃不接之時民力未免拮据加恩著將
保定東光二縣被水成災六七八分村莊極貧
民旗加賞一月口糧成災六七八分次貧及成
災五分村莊貧民並寶坻安州景州天津磁州
等五州縣成災五分村莊如有貧民缺乏口糧

應需接濟隨時查明覈辦保定東光寶坻安州
景州天津磁州等七州縣成災五六七八分村
莊應納咸豐五年春徵新賦糧租等項均著緩
至本年秋後啓徵其成災州縣內歉收三四分
村莊應納咸豐五年新賦糧租等項著緩至本
年麥後啓徵其成熟村莊照常徵收又勘不成
災並咸豐三年積水未消之武清薊州甯河霸

州大城東安蠡縣雄縣東鹿高陽故城青縣南
皮鹽山慶雲永年雞澤元城大名南樂清豐蔚
州玉田涑水武邑衡水武強等二十七州縣歛
收三四分村莊除咸豐五年新賦照常徵收外
其歛收各村莊原緩至咸豐五年麥後啟徵之
咸豐四年並節年糧租穀豆竈課河淤海防經
費儲備軍餉攤徵壩工出借倉穀等項同歛收

二十七州縣內之蠡縣高陽永年雞澤大名等
五縣歉收三分村莊並永年縣咸豐三年被水
被擾之上馬頭等村莊暨二十七州縣外之平
鄉縣歉收三分村莊並咸豐三年被歉上年又
復減收之姜家莊等村莊又邯鄲縣被旱歉收
三分村莊及連年被歉之北蘇曹等村莊又南
宮縣被水歉收三分村莊並任邱縣咸豐三年

積水未消之軍莊等村莊原緩至咸豐五年麥
後啟徵之咸豐三年以前節年糧租及被水之
獻縣阜城靜海滄州晉州任縣隆平深州等八
州縣歉收三四分村莊並文安縣咸豐三年積
水未消之馬務營等村莊原緩至咸豐五年麥
後啟徵之咸豐四年糧租等項均著緩至本年
秋後啟徵又被擾之吳橋縣連鎮等九十九村

莊及東光縣東光口等一百五十五村莊河間
縣舒城等八十八村莊阜城縣城關並西馬廠
等一百十三村莊應徵咸豐五年上忙糧租著
緩至本年麥後啟徵其河間阜城二縣原緩至
咸豐五年麥後之三年糧租著展緩至本年秋
後啟徵至該州縣災歉村莊如需接濟應借應
糶倉穀等項著該督隨時察看情形分別辦理

該督卽刊刻謄黃徧行曉諭務使實惠均霑毋
任吏胥舞弊用副朕履端行慶澤被畿重至意
該部卽遵諭行

是日

起居注官德瑛龐鍾璐

初三日丁卯

上詣

壽皇殿行禮

闕帝廟拈香是日內閣奉

諭旨正紅旗漢軍副都統員缺著文清補授

是日

起居注官宗室煜綸畢道遠

初四日戊辰

上御齋宮是日內閣奉